

中國方志叢書·第廿五號

據清·陳如金修華本松纂
清光緒十七年刊本
影印

廣西

百色廳志

(全)

5/126/02

成文出版社印行



10096555

中華民國五十六年五月臺一版

百色廳志

全一冊

定價：新台幣一二〇元

發行人：黃 成 助

臺北郵政信箱二二六〇五號

出版者：成 文 出版社

臺北郵政信箱二二六〇五號

印刷者：正 大 印 製 廠

三重市長生街二號之一

內政部登記證內版臺業字第 一一四七號

版權所有

百色廳志

光緒十七年歲次

辛卯夏四月校刊

百色志序

天下郡邑之有志乘所以攷古證今從治警暴也百色設同知一官久矣顧無志何蓋百色隸思恩郡實土田州岑氏世官其地越雍正己酉年以郡同知移駐聽訟而已守土不與也咸豐之季岑氏爭襲職日尋干戈積十餘載驅生民以罹鋒鏑幾無孑遺上官憫焉始議削襲以土地人民專屬流官改直隸同知益分土設屬縣恩隆一其交錯鎮安境者割裨奉議厥後陽萬土州判復逞並改流官代之同屬百色光緒五年七月余承乏奉檄調慮無以善其後思所以模範規制率循勿愆而

百色廳志序

土習禁詩書以愚民文不足徵攷古未能也民秉椎魯獻不足徵證今未能也其官土司有宋迄今稱職者或數見然率安苟簡而郡同知第聽訟不克有爲欲從治而可從亦僅焉土司恃世職蔑視其民析泗城改鎮安累操同室戈爲暴甚矣顧後世警不必是而是亦足借警者官斯土而於斯土之古今盛衰逮夫山川風土民物或盲焉奚以可是百色之宜有志誠亟矣然撫實無具鑿空何文宜有而虛所有果何術以致之思之思之天必與之幸有小覽華觀察之居賓師也小覽游粵久於粵西掌故無不通於田陽改流尤習聞終始請以操

觚從而小覽欣然許之於是搜討舊聞分司隸事既馭

空以發翰亦按籍以徵詞如佛氏之示大乘法倏忽樓臺如大賈之善有無居綱羅島瀛體例明備斷制警嚴其所以博引繁稱俾窮僻士得心飲夫文物典章猶末也其於借資前哲開示來茲有實得於治道之隆毋徒事於記載之末措心固大有在矣後有解人益裨何算是名志而不必作志觀也亦正不必不作志觀也合廳縣州爲一志以地悉土田州志姑不必分也採問無多亦無可分志也始事於光緒七年春逾歲稿脫余適以報滿入

百色廳志序

二

觀再逾歲而始得卒讀自維碌碌以志成而得附詞簡端幸矣亦甚慚矣是爲序

光緒十四年秋九月廣西鎮安府知府前百色直隸同知會稽陳如金撰

百色郡丞會稽陳使君既蒞治之明年寓書招余客其署相與商榷時政討尋故事予固勉爲之初未嘗以能自任也既而又有纂修廳志之請予以不文辭未浹歲會廉訪使者承宣使者相繼下車徵各屬所爲志君謂予曰是殆不可緩已子毋固辭予曰志爲史家之一體昔劉知幾謂史有三長惟才學識予少失學長事簿書中更戎馬老而無聞尙何才識之足道顧念此邦文獻非盡無徵采輯成編名修實創於以副大吏之求而備史官之採非千載一時乎雖有不足不敢不勉君既欣然諏吉於壬午春開局廳城城鄉及漢土各屬並設採

百色廳志

序

訪局分其勞卽所以覈其實也於是發凡起例冠以圖說中列四綱一輿地凡沿革疆域山川都里水利古蹟氣候風俗物產附焉爲目九二建置凡城池公署學校壇廟梁津墟市附焉爲目六三經政凡戶役田賦權稅祿餉積儲鹽法學制兵制祀典附焉爲目九四人物凡宦績職官選舉仕進忠義節婦耆壽附焉爲目七而尾之以補錄不分目若夫天文分野之說理涉荒渺姑任闕如而藝科上第來者是期藝文乃名士之風華邊徼罕專門之表見則皆無從著錄焉就正有道僉以爲韙閱六月而書成使君將以報滿受代梓而上之當道使

君既序其前本松樂觀厥成敬識其後曰百色初無官也有之自雍正己酉始百色初無城也有之自雍正辛亥始百色初無屬也有之自光緒乙亥始百色初無志也有之自光緒壬午始夫以散官所移置責其承審田州六土司並遷右江鎮軍駐其地建城列戍兵食交資其任亦云重矣及後田州改流陽萬改流割其地十之三畀百色而別設恩隆縣恩陽州判以屬之升百色爲直隸廳兼領上林土縣下旺巡檢舉凡考察羣吏惠保民生其職與郡太守等

朝廷重其選制爲苗疆衝要三年報最優予遷擢使君既

百色廳志

序

二

除此官卽創爲斯志比當考績之日適睹志事之成昔人有言莫爲之前雖美弗彰莫爲之後雖盛弗傳遭際如君豈非僅見予忝與編纂自慚謏陋而嚴定義例去僞存真刪繁就簡竊有力焉於戲百色之先樵跣錯處大都樸野惻惻愚魯之習或不免貽譏於君子我

朝廷涵濡日深聲教所迄久已進于鄒魯使君講求作育文物丕變卽楓阪茅麓鏗珞皆絃誦聲上之化下疾於風草冒其然乎此則予目擊其盛而志所未及載者安得後之來者有以補之夫以君之經濟施於土地地不曠矣保此人民民不因矣振而政事政不廢矣而學問

文章猶其餘事何待贅言君今以報最去行將述職京師倘藉手以獻

廟堂其大有爲於時可知也予不敏珥筆從使君後亦得廁名簡末附驥以傳顧不幸與

光緒八年壬午秋八月金匱華本松撰

序

志之爲言識也凡地方山川風俗民生政教胥識之稽古證今前事之式後事之師也然則志之所繫顧不重哉而邊疆郡縣需志尤重且亟嘉慶中謝蘊山中丞修廣西通志仿景定建康志例編典一表四畧十錄二傳八爲二百餘年官書創體阮文達廣東通志亦仍效之識者謂以志而冒史體不無譏焉志之善者有康對山武功志韓邦靖朝邑志顧朝邑志止有七篇武功志亦不踰二卷蓋不惟其繁惟其簡不惟其虛惟其實俾後人有所稽以證焉已耳百色地本苗疆雍正己酉因控

百色廳志

序

制土司始移置思恩郡丞於此光緒乙亥田陽改土歸流復奏改爲直隸同知敬頤以光緒乙酉冬補授斯職既下車覽其山川詢其風俗訪其民生政教嘆其屢困兵燹而地多凋劫也亟思有以拯治之然舊無志乘每有措施鮮所憑依根據莫從攷鏡得失聞會稽陳礪莊太守曩官斯土曾聘華小覽觀察創而輯之敬頤蒞官在太守後宦轍所經又與太守恆左未得取讀而廳人士述太守之德政嘖嘖不去諸口心益向往之承乏於茲荏苒三載深愧無所樹立以繼太守美惟廳城文廟則本太守之欲竟者而竟之緩征荒糧則本太守之欲

免者請於當事而免之所以養士治民一以太守爲師

法己丑秋報滿回省越明年太守亦歸自鎮安急索志稿見示細加披覽見其簡而能賅實而不泛前日措諸手而或茫如者今日寓諸目而悉瞭如矣因歎小覽觀察之稽考典核而益服太守之規畫精審也粵西自法越構兵而後邊防日嚴田陽一域界在西陲外捍交南內屏各郡明盧蘇反兩江皆震迨王文成總制集四省之兵力僅乃就降今日而欲專意防務弭外患而消內憂官斯土者正未可因陋就簡無所挾持以治之也是斯志之繫詎不重斯志之作詎不難而所以創斯志之

百色廳志

序

二

功詎不偉歟因與太守約授之梓人並將士之續列膠庠者增名於後且力任是役以貽世之有心時務者時光緒十有七年辛卯四月既望道員用潯州府知府前百色直隸廳同知新建夏敬頤謹序

百色廳志卷首

銜名

主修

三品銜鎮安府知府前百色直隸廳同知陳如金

協修

升用同知准補雒容縣知縣署理恩隆縣知縣呂汝棠

俸滿南丹土州州同調署恩陽理苗州判杜鳳保

協理上林縣土知縣黃金鐸

署理下旺司土巡檢韋成林

編纂

百色廳志卷首

一

二品頂戴鹽運使銜保留廣西補用道華本松

採訪

委用訓導署理百色直隸廳學正陽久照

恩隆縣訓導李驥元

百色廳學廩生何紹光

恩隆縣學生員余德輝

監理

儘先補用都司黃宏陞

儘先補用守備李獻吉

選用府經歷楊本檀

委用訓導盧大韶

校對

永康州學廩生楊杰

恩隆縣學生員余梯雲


宣化縣文童蘇卓然

繪圖

選用府經歷楊本檀

百色廳志卷首

二



百色廳志卷首

目錄

卷一

圖說

卷二輿地

沿革

疆域

山川

都里

卷三輿地

百色廳志卷首

水利

古蹟

氣候

風俗

物產

卷四建置

城池

公署

學校

壇廟

三

津梁

墟市

卷五經政

戶役

田賦

權稅

祿餉

積貯

鹽法

學制

百色廳志卷首

兵制

祀典

卷六人物

宦蹟

職官

卷七人物

選舉

仕進

忠義

節孝

四

耆壽

卷八

補錄

百色縣志


卷首

五

百色廳總圖



百色廳總圖說

廳東界南甯之果化土州西界廣南之土富州南界鎮安之天保縣北界泗城之凌雲縣毘連諸郡遠達滇黔道路紛歧周圍幾及千里無長江大河之險當深山窮谷之衝漢土雜居猺獞錯處其東南北又與白山鳳山兩土司境地相接分屬思慶層巒疊嶂箐密林深往往數十里無居人藏姦逋寇時出為害防範最宜加意至若山多於地水少於田則四封皆然農民三時力作恒苦不足欲謀生計尤當講求陂塘之利也



百色廳圖

三



百色廳城廂附近圖

百色廳志


圖

百色廳城廂附近圖說

五

廳治枕山帶江形勢最爲扼要居高臨下相去凡數十丈城闢三門地周四里廂內多土著廂外多客居列肆連雲恒苦水患蓋上游盛漲輒淹及於市廛附近諸村更無論矣水田妨澇山田妨旱旱當講求灌溉之利澇則難爲遏塞之謀非人力之能施惟天時之有賴耳

百色廳城廂附近圖



百色廳志

圖

六




下田里一二三都圖

百色廳志

下田里一二三都圖說

七

下田里一都在廳東二都在廳西南三都在廳東北距城近或數里遠亦不出數十里陸多水少山徑紛歧與恩陽凌雲界相接也在昔潢池盜弄村市爲墟各都耕鑿不安實始於隣氛之貽害今承平日久其可不知所以自固與



百色廳志

八



武隆里一二三都圖

百色廳志

圖

武隆里一二三都圖說

九

武隆里即古武龍縣地一都廳東百八十里二都廳南百九十里三都廳東北里亦如之都各數十村大抵山多於水而礮桑河源出泗城逕那星墟入奉議州凍沙流注右江自祿國以下諸村田資其灌溉附近各村別村溝洫引水灌田其利甚溥

武隆里一二三都圖

東

龍家二都界

龍家一都界

奉議界



百色廳志

圖

十



龍篆里一二三都圖

百色廳志

龍篆里一二三都圖說

士

龍篆里距廳較遠一都北二百十里二都東二百四十里三都南二百五十里萬山重疊界接鳳山土司截村聚水巖高數百丈巖口高廣亦二三丈容納眾水薈萃其中潛流出燕崗凡四十餘里一帶農田資以灌溉改流以後移百色司巡檢駐甲畧墟詰奸禁暴佐其上耳目所不及得人就理不則越俎侵官弊有不可勝言者矣

